

**KAJIAN PENERIMAAN PERKAHWINAN CAMPUR  
DI KALANGAN MASYARAKAT MELAYU DI KUCHING,  
SARAWAK.**

Oleh

Durbvin Belli	97347877
Affendi Bin Ahmad	97347479
Mohd Faizal Bin Mohd Yusuf	97348674
Hafiza Binti Hassan	97348132

Kertas Projek yang Dikemukakan Kepada Fakulti Pentadbiran dan Undang-Undang  
Universiti Teknologi Mara (UiTM), Kampus Samarahan Untuk Memenuhi Sebahagian  
Dari Syarat Bagi Memperolehi Diploma Pentadbiran Awam.

**SEPTEMBER 2001**

## **Abstrak**

Dewasa ini kita sering mendengar berlakunya perkahwinan campur di kalangan orang Melayu. Senario ini bukanlah sesuatu yang baru dalam masyarakat kita. Sering sahaja kita mendengar di mana-mana tempat akan berlakunya kahwin campur di dalam masyarakat setempat.

Kajian yang dijalankan adalah mengupas mengenai penerimaan masyarakat Melayu terhadap perkahwinan campur di kalangan masyarakat mereka. Kawasan kajian adalah difokus kepada penempatan majoriti masyarakat Melayu. Ini adalah untuk memudahkan dalam mendapatkan responden yang dikehendaki iaitu di kalangan masyarakat Melayu. Di dalam menjalankan kajian ini, timbul beberapa masalah daripada para responden terutama dalam aspek berkaitan borang soal selidik. Untuk menjalankan kajian ini, beberapa kaedah digunakan seperti borang soal selidik dan daripada data sekunder seperti majalah, majalah ilmiah, internet dan suratkhabar. Kajian yang dijalankan ini adalah adalah penting kepada orang ramai dan para pelajar dalam mengetahui mengenai isu-isu kahwin campur.

Perkahwinan campur ini adalah berlaku disebabkan beberapa faktor seperti perasaan cinta dan faktor ekonomi. Apabila menyentuh persoalan mengenai perkahwinan campur ini masyarakat kita sering berpendapat bahawa ianya merupakan satu tren yang berterusan dan sentiasa mendapat penerimaan di kalangan masyarakat majmuk di negara ini. Perkahwinan campur ini telahpun berlaku sejak dahulu kala lagi. Ianya bukanlah sesuatu yang asing bagi kita memandangkan di negara kita mempunyai pelbagai bangsa, agama dan adat resam. Kesan perkahwinan campur ini telahpun dikaji oleh beberapa orang

## **Kandungan**

<b>Perkara</b>	<b>Mukasurat</b>
Surat Penyerahan Projek	i
Penghargaan	ii
Abstrak	iii
Kandungan	v
Senarai Jadual	vii
Senarai Carta	viii

### **Bab 1 PENGENALAN KEPADA KAJIAN**

1.1	Latarbelakang kajian	1
1.2	Skop kajian	3
1.3	Objektif kajian	4
1.4	Batasan kajian	5
1.5	Hipotesis	6
1.6	Kepentingan kajian	7
1.7	Susunan bab	8

### **Bab 2 TINJAUAN LITERATURE**

2.1	Pengenalan	9
2.2	Analisis literature	10

# **BAB 1**

## **PENGENALAN KEPADA KAJIAN**

### **1.1 Latarbelakang kajian.**

Pada masa kini perkahwinan campur bukanlah suatu yang luarbiasa bagi masyarakat pelbagai kaum di Malaysia. Ia bermula sejak sebelum penubuhan Kerajaan Melayu Melaka. Perkahwinan campur adalah diantara pemimpin dua buah kerajaan pada zaman tersebut.<sup>1</sup> Apabila seseorang individu di dalam sesebuah keluarga atau masyarakat yang berpindah ke suatu tempat dimana bangsa yang ada disitu adalah berbeza daripada mereka, maka akan berlakulah perkahwinan campur bilamana salah seorang ataupun lebih daripada kaum keluarga tersebut berkahwin dengan masyarakat tempatan.

Kajian yang akan kami jalankan ini dilakukan di kalangan masyarakat Melayu dimana pada masa kini perkahwinan antara orang-orang Melayu dengan bangsa lain seperti Iban, Bidayuh, Cina, dan sebagainya adalah banyak berlaku. Faktor yang menggalakkan perkembangan ini antaranya ialah atas dasar cinta yang telah mengurangkan jurang perbezaan dalam aspek yang melibatkan adat resam dan budaya.

Perkahwinan campur juga berlaku atas dasar kepercayaan kepada pendapat ahli-ahli sains dan golongan tua yang menyebut bahawa ia akan menghasilkan generasi yang lebih bijak dan pandai. Bertitik tolak daripada perkara tersebut maka ramai di kalangan muda-mudi yang cuba untuk mencari pasangan hidup yang berlainan bangsa.

---

<sup>1</sup> Lofti Ismail, (1982), Sejarah Malaysia: 1400-1963, Kuala Lumpur: Utusan Publication and Distributors, m.s. 25.

## **BAB 2**

### **TINJAUAN LITERATURE**

#### **2.1 Pengenalan**

Perkahwinan adalah penting dalam aspek kehidupan bagi seseorang manusia. Perkahwinan hanya dibenarkan antara lelaki dan perempuan sepetimana didefinisikan oleh Undang-Undang mengikut adat resam dan juga keputusan mahkamah yang telah dibuat. Perkahwinan campur adalah perkahwinan yang berlaku diantara satu kumpulan yang berlainan dari segi bangsa, agama, adat dan kepercayaan. Sebagai contoh bangsa Melayu tidak semestinya berkahwin dengan orang yang berbangsa Melayu juga. Seperti di Sarawak banyak bangsa Melayu yang berkahwin dengan bangsa-bangsa seperti Melanau, Iban, Bidayuh dan juga kaum atau bangsa yang lain.

Kini masyarakat Melayu tidak lagi mangamalkan perasaan perkauman atau membezakan antara satu bangsa dengan bangsa yang lain terutamanya bangsa Melayu dengan bangsa yang lain. Dalam aspek perkahwinan, orang Melayu tidak lagi mementingkan perkara iaitu orang Melayu mesti berkahwin dengan orang Melayu juga. Mereka kini bersikap lebih terbuka tentang perkahwinan antara orang Melayu dengan bangsa yang lain asalkan perkahwinan itu adalah sah dan dijalankan berdasarkan hukum syarak dalam Islam.